

Preassadieđáhus

Ođđa CD-skearru.

Mihkkala Joavvna Johan Mihkkala John André John André Eira ”Buolvvas bulvii”

Máze nuorra juoigi, Mihkkala Joavvna Johan Mihkkala John André dahje John André Eira lea 22 jagi boaris gii hálddaša árbevirolaš juoigama ja luđiid ollislaččat. Su čalmmehisvuohta nanusmahtta iežas áddejumi luohtemáhttui, juoigandáidui ja muđui musihkkálaččat. John André:s leat attáldagat árbevirolaš juoigamis ja son lea dat vuostaš nuorra juoigi gii álmмуha árbevirolaš luohced-skearru, sámi historjjás. Dát cd-skearru “Buolvvas bulvii” lea dat maid gohčodat acapella luohteskearrun.

John André juoiganvuohki lea dološmálet ja sus lea buorre ja erenoamáš juoiganjietna. Dasa lassin leat sus buorit luohtesuoŋat ja dajahallamat. Gullat John André juoigamin lea erenoamáš, dat ahte mo son dovdduiguin juoiggada ja dajahallá iešguđetge olbmuid ja mo son earuha juoigamiin olbmo sohabeali ja agi. “Buolvvas bulvii” cd-skearrus juoigá son 25 luđi, guhtta buolvva. Boarraseamos luhti lea juigojuvvon juo 1800-logus ja ođđaseamos luhti fas biddjun 4 jahkásaš čeahcebii 2014:s.

John André lea bajásšaddan juoigalas bearrašis, ja bearaš lea agis juoigan ja seailuhan árbevirolaš luđiid. Bearraša beroštupmi ja máhttu luhtái lea váikkuhan ja movttidahtán John André juoigat juo 2 jahkásažžan, dát lea dagahan ahte sus lea juoigandáidu. Dán juoigalasa ealljárvohta ja beroštupmi luhtái lea erenoamáš. Vaikke John André ii leat boarrasat go 22 jagi, de son lea okta dain stuorámus taleantain davvi Sámis árbevirolaš juoigamis.

John André lea juoigan iešguđetge báikkiin ja doaluin. Oahpuid ektui de son álggii joatkaskuvlii ja musihkkafágii (hovedinstrument trommer). Das maŋŋil fárrii guovtti jahkái Haparandai Ruotas, vázzin dihtii Álbmotallaskuvlla, gos studerii `produsentlinja` nammasaš oahpu.

John André lea dakkár gii álggaha iežas beroštumiid, numo “Buolvvas bulvii” CD-skearru álmмуheami, ja ii ge son vuollán iežas beroštumiiguin nu jođánit nu guhká go lea mokta ja dáhttu.

Sámi servodat dárbbáša eanet nuorra jugiid, numo multitaleanta John Andé, sealluhan dihte juoigan-ja luohteárbevieruid min nuorat ja boahitevaš buolvvaide, ja movttidahttin dihtii eanet nuoraid sámi musihkkamáilbmái.

STI08 All rights reserved © & P 2014 STIERDNA, pb 95,N-9525 Máze
www.stierdna.com johansara@gmail.com Stierdna RLabel /Facebook
www.musikkoperatorene.no

Almmuhalla badje Mazes John André ruovttus 31.10.2014 – Bures boahitin !
Artist contact: +47 979 66 717 johnandreeira@gmail.com
Johan Sara jr. +47 97618383

